



**“I te cherdí con to ennom” dij le Signur.**

Con le Sacramont dal Bato ven tuta sō tla comunité cristiana **Mia Ellecosta** (Colac). La ploania d'La Pli i fej ai geniturs Daniel y Ingrid l'aodanza che Idio, la Oma dal Ci y la Santa Patrona acompagnei la picia creatōra con sōa benedisciun y proteziun.

- **Sontada:** dal grup de liturgia en jōbia ai 7 d'aorí ales 20:00 te calogna.
- **Ofertes** - der bel iolan dles ofertes menades demez: KVV 298,27 € (199 € KVV Balsan, 99,27 KVV La Pli), Vinzentinum 176,15 €, oferta de Carsema 4.471,29 €. **Iolan y Dio s'al páii dles spenores por dla dlíia: cina sen él gnü ete 8.265,00 €.**
- **Aministraziun dles ploanies:** en **dedemesaledema ai 6 d'aorí** él ales 20:00 tal salf di Stödafüch a San Martin na sera d'informaziun por i aministradús dles ploanies con sig. Michael Mitterhofer, diretor dal ofize d'aministraziun dla diozeja. Enviés é i prei, i presidenc dai conseis de ploania y chi co fej laurs de aministraziun.
- **Cortina: i orun düc daidé tigní saubra la cortina!** Al ven recordé che jōn plaza dal Mone él n contener aposta por le ciomont de cortina; i portun porchel jō danló le patüch co stá ciará (erba, ciöf ...)
- **KVV:** le KVV organiseia en **domegna 10 d'aorí** do messa te scora en picio **marcé dai pöresc**. Ci ch'an tira ete i ven dé ai Ministronc y ala Schira Jonila por sostegní sōa aziun a ben de na festa dai mituns tl'Africa Zentrala.
- **Joneza da Paur:** i metun a jí en **curs da nodé** con Ulrike Comptoi te nodadoia a Reischach (30.04, 7., 21. y 28.05) dles 20:00 ennant. Cost 30,00 € por porsona; info y prenotaziuns cina ai 17 d'aorí pa Jan, ☎ 339 6758622.



**enformaziuns y termins**

**Pelegrinaje:** en sabeda ai 16 d'aorí él le pelegrinaje dles Eres da Tluses sō en Jênn. Al ven organisé en bus dla Val Badia demez. Da jí sō en Jênn vegnel fat les Staziuns y meditaziun sōn le tema dla misericordia; lassō sarál na Liturgia dla Parora. Por prenotaziuns y orar dal bus cherdé sō anter i 14 d'aorí Maria, ☎ 0471 839642.

**Geniturs afidatars i ves chirium!** en dedolōnesc ai 5 d'aorí ales 20:00 vegnel organisé dala Comunité Val de Puster y Raiun Sozial Val Badia tla biblioteca dal Istitut Ladin a San Martin na serada de informaziun sora l'afidamont familiar. Al ven chirí pers maridés o co vir adöm o ince porsones singoles, con o zonza mituns, co tól sō mituns y i acompagneia por n toch de so tru. Al gnará dé respostes a cōstes domanes: co podess pa ciaré fora na situaziun de afidamont familiar? cai é pa i compic y cares les ieranzas por gní geniturs afidatars?

**Döt le bun a:** Giovanna Pedevilla, *Bornech* \* 04.04.1934  
y a düc chi co á santennom y complesc i agn cōst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al **dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



Plata dla Ploania  
**La Pli de Mareo**  
Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 Mhz



**VAL BADIA**  
www.unitepastorala.org

Ann C

03.04.2016 - Secunda domegna de Pasca - Domegna blancia  
**DOMEGNA DLA MISERICORDIA DE CHELBELDIO**

n. 19

**Beâc é chi co ne veiga nia y crei empó**

☞ **St.Ap 5, 12–16 | Rev 1, 9–11a.12–13.17–19 | Jan 20, 19–31**

**Dal Vangelo do San Jan:**

[...] <sup>26</sup>Otedé do ea sū discepui endô abinés adöm, y Tomesc ea lapró. Danló é gnü Gejú – les portes ea stlütēs pro – é jū amesa ei ete y á dit: Pêsc a os! <sup>27</sup>Spo ti ál dit a Tomesc: Ten ca to deit – atló é mies mans! Ten ca tōa man y metela te mio costá, y no sté a ester descudent, mo credent! <sup>28</sup>Tomesc ti á respognü: Mio Signur y mio Dio! <sup>29</sup>Gejú ti á dit: Deache te m'as odü, creieste. Beâc é chi co ne veiga nia y crei empó. <sup>30</sup>Ciamó trec d'atri segns, co n'é nia scric sō te cōsc liber, él sté Gejú co á fat dan dai edli de sū discepui. <sup>31</sup>Mo chisc é gnüs scric sō ch'i cherdeise che Crist é le Messia, le Fi de Dio, y ch'i eise, tres la fede, la vita te so ennom.

**I ponsun do**

*En Pasca é n mort endô gnü ví. Le renovamont dal monn á motü man. Ince sce le monn nō n'é nia ciamó da odei, ál empó motü man y le renovamont n'é nia plü da tigní sō. Cōsc encuntunse ince tles porsones co se ralegreia dla fede y reconesc te sōa vita la potenza de Chelbeldio.*

**I periun**

*Dio onipotent, con la diventa da Pasca de to Fi á motü man la renovaziun dal monn. Daüresse i edli ala presenza de Gejú rosseri te nosta vita. De cōsc te periunse por el, co vir y regneia con te por dagnora.*

Wilhelm Egger "Sonntagsbibel"



**Völliges Vertrauen**

ist ein Bestandteil der Beziehung zu Gott – ein Vertrauen, das nur wachsen kann, wo auch Raum ist für den Zweifel.

Clive Staples Lewis

☞ **Letōres dla Terza domegna de Pasca:**  
**St.Ap 5, 27b–32.40b–41 | Rev 5, 11–14 | Jan 21, 1–19**

Edema liturgica dai 03.04. ai 10.04.2016

<b>DOM 03.</b>	<b>2<sup>a</sup> domegna de Pasca, Domegna blancia</b> Richard, Elisabeth K. <b>DOMEGNA DLA MISERICORDIA DE CHELBELDIO</b>
<b>08:30</b>	<b>gran messa</b> por dōta la ploania ► <b>corona con i misters dla misericordia</b> <i>oferta por le fonds de solidarieté por i prei dla diozeja</i>
10:00	s.m. a Al Plan
<b>15:00</b>	<b>funziun dal Bato de Mia Ellecosta</b>
<b>Lön 04.</b>	<b>GRAN FESTA DL'ANUNZIAZIUN DAL SIGNUR,</b> Isidor, Conrad, Heinrich R.
► <b>19:30</b>	<b>s.m.</b> de ringraziamont en onú de Santa Maria dal Bun Consei <b>s.m.</b> de suplica por na familia y omes co aspeta <b>funziun a Santa Maria</b>
<b>Ded 05.</b>	Vinzenz Ferrer, Kreszentia
<b>07:30</b>	<b>s.m.</b> por fam. Pascuale y Brigitte Kastlunger, Pliscia <b>s.m.</b> por + Emilia Kastlunger, Alnei
<b>Dem 06.</b>	Zelestin, Sisto, Wilhelm
18:00	s.m. a Al Plan
<b>Jöb 07.</b>	Jan Baptist de la Salle, Albert
<b>19:30</b>	<b>s.m.</b> por +ti Germano y Maria Frontull, Mareo <b>s.m.</b> por + Anna Ploner Rigo, Alnei
<b>Ven 08.</b>	Walter, Beata
07:10	s.m. a Al Plan
<b>Sab 09.</b>	Ciascian y Vigile, patronns diozejagn - Waltraud, Conrad, Hugo
<b>07:30</b>	<b>s.m.</b> por + Jan Ellecosta, Stifler <b>s.m.</b> por +ti Carlo y Maria Kehrner, Mone
18:00	s.m. prefestia a Al Plan
<b>DOM 10.</b>	<b>Terza domegna de Pasca</b> Engelbert, Hulda, <b>Domegna de San Ciascian y San Vigile</b> Magdalena G.
<b>08:30</b>	<b>gran messa</b> por dōta la ploania <i>oferta por l'Université catolica de Milan</i>
10:00	s.m. a Al Plan
<b>ampola:</b>	por chi d'André
<b>ministronc:</b>	► da doman y domegna: Alexander Comploi y Rudi Ellecosta ► da sera y domegna: Margit Brandlechner y Anita Brandlechner
<b>i recordun:</b>	Emma Ellecosta Croni, Tront + 05.04.2009 Pire Mutschlechner + 08.04.2010



Iubileo Straordinar dla Misericordia: 8.12.2015 – 20.11.2016 (6)

*Sce i ojun nosta odlada sön Gejú y sön so müs misericordius, spo podunse odei l'amur dla SS. Trinité. La misciun che Gejú á cialé dal Pere é stada chera da revelé le mister dal amur divin te dōta sōa pleneza. "Chelbeldio é amur" (1 Jan 4,8.16) confermeia l'evangelist Jan por le pröm y unico iade te dōta la Sacra Scritōra. Cōsc amur é da odei y da brancé ete te dōta la vita de Gejú. Sōa porsona n'é nia ater co amur, n amur co se dá ca plenamonter. So raport con les porsones co se fej pormez é val' de straordinar y irepetibl. Sū segns che al fej, dandadöt por i piciadús, por les porsones dla meseria, slütes fora, püres y co mess sofrí, é ejempli tlers de misericordia. Döt te el baia de misericordia. Nia te el é zonza compasciun.*

*Canche Gejú á odü che dōtes ches porsones co ti ea jüdes do ea stances y sfinides, pordüdes y zonza famei, s'les menâl picé tal plü sot de so cör (Mt 9,36). Con la forza de cōsc amur plen de compasciun varil düc i püri che an portâ da d'el (Mt 14, 14) y con püch pan y val' pesc ál pascionté de gran foles (Mt 15, 37). Ci co motivâ Gejú te dōtes cōstes situaziuns n'ea nia val' d'ater co la misericordia con chera che al ea bun da lí tal cör te düc chi che al encuntâ y dé na resposta a sū debojügn plü vei y sontís. Canche al á encunté la vedoa de Naim, co acompagnâ so unico mōt ala sopoltōra, ál sontí na compasciun tan sterscia por chel gran dolor dla oma co bradlâ che al á ressuscité dala mort le mōt y ti al á dé zoruch (Lc 7,15). Do che al á delibré l'indemonié da Gesara, ti ál sorandé cōsta misciun: "Cunta döt ci che le Signur t'á fat y la misericordia che al á albü por te!" (Mc 5,19). Ince la cherdada de Mateo sozeda tal orizont dla misericordia. Canche Gejú é passé dan dal banch dles cultes ti á sū edli ciaré fit a chi de Mateo. Al ea na odlada plena de misericordia co pordenâ i picés de che porsona y, cuntra la orenté dai apostui, ál cherí fora rodunt el, le piciadú y publican, por fá denfora önn dai dodesc. San Beda, le Venerabil á scrit, te n so comentar sora cōsta scena dal Vangelo, che Gejú ti á ciaré a Mateo con amur misericordius y l'á cherí fora: miserando atque eligendo. Cōsta espresciun m'á tan imprescioné che i l'á cherida fora desco moto por mio pontificat.*

Papa Francesco "**Misericordiae vultus**"

**Abbi misericordia di noi e del mondo intero**

Dio, Padre misericordioso, che hai rivelato il tuo amore nel Figlio tuo Gesù Cristo, e l'hai riversato su di noi nello Spirito Santo, Consolatore, ti affidiamo oggi i destini del mondo e di ogni uomo.

Chinati su di noi peccatori, risana la nostra debolezza, sconfiggi ogni male, fa' che tutti gli abitanti della terra sperimentino la tua misericordia, affinché in te, Dio Uno e Trino, trovino sempre la fonte della speranza. Eterno Padre, per la dolorosa Passione e la Risurrezione del tuo Figlio, abbi misericordia di noi e del mondo intero! Amen.

San Papa Giovanni Paolo II<sup>o</sup>



GEBETSMEINUNG  
DES PAPSTES FÜR

April

Wir beten für die Kleinbauern – für Anerkennung ihrer Arbeit und für faire Preise.

Wir beten für die Christen Afrikas in den politisch-religiösen Konflikten. Sie mögen für die Liebe Christi Zeugen sein.